

御製

三朝要典序

朕惟自古帝王。莫不有徽猷鉅訓。以迪衆庶。而信來茲。矧綱常萬古爲昭。故父





慈子孝。君令臣共。其道光明。無纖芥可疑之隱。其事平實。無非常可喜之功。其行之爲一時賞罰。定之爲萬世是非。則確然直截。無依違可借之影響。循此則忠良悖此則姦賊。獨奈何使姦賊得竊忠良之號哉。誠折紛而定論。當據事以直書。亦覲揚陟降之善物。



也。本朝家法炳如日星。仰  
惟我

皇祖神宗顯皇帝。建元良以  
繫海寓之心。真慈夙注。我  
皇考光宗貞皇帝。體先志而  
舒雲雨之澤。純孝丕彰。迨  
龍馭之上賓。肆冲人其纘緒。

名正言順。猜忖曷庸。不意  
羣女姦巧于構疑也。疑挺擊  
則託護東宮者進矣。疑紅



丸。則援不嘗藥者進矣。疑移宮。則造爲垂簾者進矣。總三案之姦兇。皆一堂之衣鉢。將使

皇祖

皇考。抱疑不白。而朕躬亦幾陷于不孝。深用痛心。幸正論時聞。業已區分陟斥。猶慮遐方耳目。緣簧鼓而漸致淪胥。來禩汗青。襍狐疑



而罔知斷案。又以事歷

三朝。或多挂漏。特降手諭。俾  
史臣倣

明倫大典故事。將前後明旨  
章奏。編輯成書。其總裁副  
總裁。及纂修等各官。俱朕  
慎簡。自茲歲丙寅春正月。  
開館纂修。迄今編成。爰定  
其名爲

三朝要典。以其專爲



三朝慈孝作也。斯編行且頒  
天下矣。朕復自序其首曰。  
嗟乎。小人之禍人國甚哉。  
指宮闈爲攘功之地。則翼  
戴莫出其先。誣

君父以不美之名。則定策肯  
居于後。且事極常而故張  
之。踪本杳而故文之。或十  
餘年。或五六年。幾成。蜩蟬  
沸羹之世。宙藉非



皇祖

皇考。默牖朕衷。則真是真非。  
其何結局之有。當我

世宗肅皇帝時。慮統嗣混而  
不得尊其

親故。其書主于定大統。在朕  
今日。慮貞邪淆而將不免  
於誣其

親故。是書主于剖大疑。今天  
下萬世睹是書而悟曰。前



三朝典與 卷之八 御製 十一  
星立矣。藩封遣矣。卽有風  
癩。立付市曹。於國本無恙  
也。其無容疑者一。

鼎湖之悼。實慕緣孝篤疾。以  
慕深。孰得以一月

天子。掩其爲千秋

聖人哉。其無容疑者二。癸疾  
集蓼。此何時也。

遺言未往。封號在心。宮自當  
移。寧俟逼而後移。其無容



三朝要典 御製序 八  
疑者三。雖朕中興之業。不  
敢望與。

世宗媲美。或庶幾可免於戾  
乎。然朕覽斯編。愈惕然於  
陰陽消長之際也。方三案  
之鳴也。其時邪與正互犄。  
今心術各揭於青編。斷案  
亦章於白日。詎非陽長陰  
消之一會。第邪雖芟而能  
保無伏莽。正雖顯而能保



三朝正典 卷之九 九  
無遺珠萬一倚伏貞勝之  
幾稍不審而至于誤用將  
奚以爲

先德光繼自今尚賴爾諸臣  
靖乃志以佐澄清竭股肱  
而襄祗遜庶

在天之靈於茲降格而斯編  
亦不徒託諸空言矣是爲  
序



聖諭

朕惟君臣父子。人道之大綱。慈孝敬忠。古今之通義。有國家者。修之則治。紊之則亂。爲臣子者。從之則正。



悖之則邪。自古迄今。未有能易者也。廼有乘宮庭倉卒之際。遂懷傾危。陷害之謀。搆朝家骨肉之嫌。自爲富貴功名之地。其爲亂臣賊子。可勝誅哉。洪惟我皇祖神宗顯皇帝。早建元良。式端國本。父慈子孝。原無間然。而姦人王之寀。翟鳳翀。何士晉。魏光緒。魏大中。



張鵬雲等。乃借挺擊以要  
首功。我

皇考光宗貞皇帝。一月御天。  
千秋稱聖。因哀得疾。純孝  
彌彰。而姦人孫慎行。張閻  
達。薛文周。張慎言。周希令。  
沈惟炳等。乃借紅丸。以快  
私怨。迨

皇考賓天。朕躬纘緒。父子承  
繼。正統相傳。而姦人楊漣。



三朝要典 卷之四 聖諭  
左光斗。惠世揚。周朝瑤。周嘉謨。高攀龍等。又借移宮。以貪定策之勲。而希非望之福。將

憑几之遺言。委諸草莽。以待封之宮眷。視若寇讐。臣子之分。謂何。敬忠之義。安在。幸天牖朕衷。仰承

先志。康妃。皇妹。恩禮有加。而守正諸臣。凡因三案被誣。



三朝要典 卷之四 聖諭  
者。皆次第第賜環。布列有位。  
嘉言罔伏。朝政肅清。特允  
部院科道諸臣之請。將節  
次明旨。并諸臣正論。命史  
臣編輯成書。頒行天下。使  
三朝慈孝。燦然大明。天下萬  
世。無所疑惑。其凡例體裁。  
一倣明倫大典故事。卽於  
新春。開館纂修。特命輔臣  
顧秉謙。丁紹軾。黃立極。馮



銓。爲總裁官。施鳳來。孟紹  
虞。楊景辰。姜逢元。曾楚卿。  
爲副總裁官。徐紹吉。謝啓  
八。余煌。朱繼祚。張翀。華琪  
芳。吳孔嘉。吳士元。楊世芳。  
爲纂修官。喬煒。秦之垣。李  
桐。爲騰錄官。鄭崇光。姜雲  
龍。爲收掌官。卿等受茲委  
任。須同心協力。研精殫思。  
採集周詳。持議明覈。凡係



公論一切訂存。其羣姦邪說亦量行摘錄。後加史官斷案。以昭是非之實。務在早完。書成之日。名曰

三朝要典。以仰慰

皇祖。

皇考。在天之靈。用副朕觀光揚烈之意。欽哉。故諭。



聖旨

覽卿等所擬纂書諭稿。周  
詳剴切。實合朕心。雖編摩  
成于此時。然垂戒闢于萬  
世。其名曰傳信鴻編。曰三



三朝要典 卷一百一十一  
大政紀。朕再四思之。咸似未妥。朕欲名之曰

三朝要典。未知當否。卿等便與副總裁等官。詳議妥確來聞。

天啓六年正月十四日  
朕覽卿等所奏纂修

三朝要典。着於正月二十六日。開館編纂。其合行事宜。俱依議行。具見卿等忠愛。



朕知道了。該衙門知道。

天啓六年正月二十三日  
覽卿等奏。

三朝要典編纂已有次第。朕  
宜御製序文。以冠篇首。卿  
等卽卽細心擬稿。進覽。務期  
典則詳明。以昭朕彰。闡垂  
戒至意。該部知道。

天啓六年三月二十七日  
洪惟



三朝要典。乃人心之公論。萬世之大坊。朕不敢私其是非于上。史臣亦誰敢私其曲直于下乎。所有陸續草稿。既經卿等刪潤。謄錄副本已完。并撰擬序文及卿等恭撰後序。朕覽其梗槩大略已知。或就中詳細之處。須發揚獻納。足爲臣下之模。必剖決是非。炯昭後



三朝要典 卷一百一十五  
世之鑒庶

三朝大案。若宛在在目前。邪正  
了然。卽萬代不易。卿等還  
更加詳慎。務成不刊之典。  
期示將來。卽寫正本。擇吉  
具儀進呈。該衙門知道。

天啓六年五月二十五日



凡例

一。是典遵

聖諭。倣

明倫大典編年。以年繫月。以  
月繫日。挺擊。始於萬曆乙



卯五月。紅丸。始於泰  
昌庚申八月。移宮。始  
於是年九月。迄於天  
啓丙寅三月。有關三  
案者書。

一。三案始于挺擊。故首  
列

詔諭之關係

國本者。以爲原始

一。諸臣總論三案疏。其



三朝要典 卷八 例  
明旨止載前一案中。慮重複也。

一。諸臣奏疏議揭約畧繁辭。正邪備錄。俱出原文。

一。議單詳於紅丸。其干槌擊。移宮者。分載兩案。

一。據事據文直書得失。自見。後爲論斷。亦倣



# 明倫大典例

進

三朝要典表

少師兼太子太師吏部尚書中極殿大學士  
臣顧秉謙。太子太保禮部尚書兼文淵閣大學士  
臣黃立極。臣馮銓等。恭奉

聖諭纂修

三朝要典。伏蒙

皇上親製序文。今纂修已完。謹奉表  
上進者。臣等誠懽誠忭。稽首頓首。



三朝要典 表  
上言。伏以

聖王修人紀以經天。制作昭惇庸之重。

明主闡先猷以垂後。編摩揚謨烈之輝。一德作  
求。揭

三朝以靡晦。五典無斁。俟百世而可知。耀

至德於縑緗。識

弘裁於秘府。竊惟天地所以不毀。賴有君臣  
父子兄弟之倫。人道所以常明。恃有議禮

制度考文之主。淳風既遠。變或生於大眾

懿德恒存。疑當孚以至信。臣子靖共爾位

操室戈而國是斯淆。大君輯寧我邦。持太

阿而小羣可渙。儻富貴功名之念切。不難

幾風紀於人間。將綱常倫理之紐微。何以

轉日轂於世宙。事極則理必反。文徵而實

可傳。茲蓋伏遇

皇帝陛下。

健配乾行。

明符晉出。

垂裳貞度。河山并獻其禎祥。  
拂席橫經。日月時勤於將就。

兢兢用人圖治。見堯舜於羹墻。

孜孜明罰勅幾。率

祖考而陟降。

善繼善述。

不愆不忘。緬惟

神宗顯皇帝。

恭默而化。瑟坐調嬈。翼子貽孫之盛軌。

神宗顯皇帝

寬仁而覆于孟。永奠追問。寢視膳之芳模。爲人  
子止於孝。爲人父止於慈。歷

三朝而洩洩融融。允建維皇之極。觀於朝無異  
政。觀於野無異俗。躋萬方於熙熙。皞皞。依  
然在宥之風。第久治豐孽。易生。當審機而  
收鎮定之効。乃小人居心。弗溪。每伺隙而  
開悔吝之端。

元良早定於分珪。謾託危疑之慮。



光聖考終于憑几。敢爲汗巖之名。甚至構陷掖庭。結納近侍。借徒

宮之恒典。希定策之奇勳。哆侈成箕。風波鼎生於橫議。豐蔀見斗。天日幾爲之晦冥。蓋其黨與蔓延。數年糾結彌甚。故爾比周滋毒。

累朝濁亂靡寧。幸

廟社之有靈。牖

宸衷之獨斷。禹鼎洞燭夫魑魅。堯廷何慮乎共

驩。往者縱任包令。業已久爲

清朝之蠹。肆今次第誅譴。可不復爲治世之蠱。訖富訖威。指揚僉謂無枉。分貞分佞。環玦不斷。互施猶慮刑章。僅飭於一時。姦回雖已落膽。而信史不傳於萬世。奕葉何繇儆心。於是

特沛宸章。宏開史局。更厯

聖慮。豫定嘉名。付左史右史。以編摩。做大書。特書而紀載。褒貶立曹。分之牘。繫日月以無



三朝要典 表  
差持彰善癉惡之權。嚴袞鉞而莫貸。鑠金銷骨之口。片語亦爲之誅心。捕風捉影之譚。連篇益著其蒙面。剛繁舉要。人品具在目前。切理會文。治法運之掌上。卒業而作述備矣。可見

先朝爲之規。繼世爲之隨。展卷而鑒戒昭然。庶幾君子有所恃。小人有所畏。

大典敘而大倫丕著。正論明而正氣永昌。允矣

弘編豈云小補。恭塵

片覽。用禪宏摹。臣等慙無太乙之蒸。濫侍

玉皇之案。朝夕乾惕。每徵實於聞聲。左右研窮。無虛美而隱惡。仰體

孝思之不置。俯刻時日以速成。文卽在茲。監於古爲訓。道未墜地。識其大以陳。祇獻一得之愚。肅瞻

重離之照。伏願念

祖宗付托之鉅體

天地生成之心。推其老幼而治本端。莫不尊親



而道化洽堯凶去四已

章霆震之威湯網開三官

灑露濡之潤無偏無黨養世道於和平不競  
不絀頌

明廷之大雅則璇璣運序乾坤節而八荒調  
玉燭流輝陰陽和而萬物得矣臣等無任  
瞻

天仰

聖激切屏營之至謹以修完

三朝要典二十四卷隨表上

進以

聞

天啓六年六月十九日少師兼太子太師

吏部尚書中樞殿大學士臣顧秉謙等

謹上表

奉

聖諭纂修

三朝要典

總裁

光祿大夫左柱國少師兼太子太師吏部尚書中樞殿大學士臣顧秉謙

光祿大夫太子太保禮部尚書兼文淵閣大學士臣黃立極

光祿大夫太子太保禮部尚書兼文淵閣大學士臣馮鈞

副總裁

通議大夫禮部左侍郎兼翰林院侍讀學士掌院事臣施鳳來



纂修

禮部右侍郎兼翰林院侍讀學士協理詹事府事敘習庶吉士臣楊景辰  
通議大夫詹事府詹事兼翰林院侍讀學士臣孟紹虞  
詹事府詹事兼翰林院侍讀學士臣曾楚州

通議大夫戶部左侍郎臣徐紹吉

中憲大夫都察院左僉都御史臣謝啓光

翰林院修撰儒林郎臣余煌

翰林院編修文林郎臣朱繼祚

翰林院編修文林郎臣張紳

翰林院編修文林郎臣華琪芳

翰林院編修文林郎臣吳孔嘉

翰林院檢討徵仕郎臣吳士元

翰林院檢討徵仕郎臣楊世芳

膳錄

徵仕郎中書舍人臣喬焯

修職郎通政使司經歷司知事臣李相

冠帶監生臣張載微

收掌

三月庚辰

奉直大夫尚寶司少卿加四品服俸臣張承爵  
試中書舍人加五品服俸臣姜雲龍

遵奉

聖旨刊刻

三朝要典

總理

資政大夫禮部尚書兼翰林院學士臣李思誠  
通議大夫禮部左侍郎兼翰林院侍讀學士臣施鳳來

閱對刊刻

禮部司務廳司務臣劉象瑤

承德郎禮部祠祭清吏司署司事添註主事臣戴東旻



書寫磨對

內閣辦事禮部儒士臣李泰

生臣陸履泰

臣陸成棟

臣唐龍起

士臣儲剛

臣許壇

禮部儒

三朝要典原始

萬曆辛丑十月己卯

冊立

皇太子

詔告天下曰。蓋聞皇帝長治久安之道。莫重于

崇建元良。我

祖宗家法相承。惟長是立。所以厚國本。定人心

也。朕長子。孝敬寬仁。天鍾粹美。奉朕

諭教。時敏厥修。今德器日益端凝。學業日

益精進。允堪允受。慰朕至懷。敬八奏于  
聖母。諏詢十五日吉。授冊寶爲皇太子。仰承  
廟

社之靈。俯順臣民之望。爰封第三子常洵爲福  
王。第五子常浩爲瑞王。第六子常潤爲惠  
王。第七子常瀛爲桂王。俾各守藩。共維大  
統。典禮旣成。普天同慶。於戲。長男主器。益  
綿有道之長。衆子分封。茂衍無疆之慶。敷  
予德意。咸使聞知。

先是輔臣申時行等。於萬曆十四年二月  
內疏請

建儲。

上諭以元子嬰弱。少俟二三年舉行。踰日又請  
溫答如前。未幾而姜應麟沈璟等。各有疏爭。  
上怒其煩瀆。降謫有差。及科道申救。  
上曰。立儲以長幼爲序。

祖宗家法。萬世當遵。朕豈肯以私意。違拂公論。  
姜應麟等。揣摩上意。輒以舍長立幼爲疑。置



朕有過之地。特降處示懲。非爲奏請冊立之故。國本有歸。朕已明白曉示。待期舉行。各官宜體朕意。再不許妄疑。竄擾。至十八年元月。上召見時行等於

毓德宮。語及冊立。

上曰。朕無嫡子。長幼自有定序。鄭妃再三陳請。恐外間有疑。但長子猶弱。欲俟其壯健。使出就外。纔放心。時行復請豫教。

上然之。時行等退。

上復令內臣追止之。云。且少俟。

皇上已令人宣長哥來。着先生每一見。時行等還至宮門。

上令人覘申閣老等。聞召長哥亦喜否。時行等語內臣云。我等得見

睿容。便如觀景星慶雲。真是不勝之喜。內臣入奏。

上微哂。頷之。頃之

皇長子至。

三朝要典 卷八 原女  
皇三子亦至。時行等既見。賀

上云。

皇長子龍姿鳳目。岐嶷非凡。仰見

皇上昌後之仁。齊天之福。

上欣然曰。此

祖宗德澤。

聖母恩庇。時行復請讀書豫教。乃退。越一日復

請。至十月又請。詞頗切至。有謂道路訛傳

皇貴妃獨蒙眷注。屬意所生。京師百萬軍民

頗倡浮議。今國泰之疏。已票而不行。則外

間又生疑議。且以爲

皇貴妃姑。令國泰塞責。

皇上姑爲

皇貴妃解紛。何以杜軍民之口。副四海之心。

疏八。

上諭內閣曰。皇子體脆質弱。少俟時月。朕自有

旨。於長幼之序。豈有搖亂。雖皇貴妃嘗贊言

以免疑議。朕前已面諭卿等知之。朕意必待



自處不喜于聒激耳。豈有謠言而惑朕哉。卿等可看兩京大小文武。自十四年。至于今日。有一年一月一日之不聒激者。此輩欲離間父子之天性。以成已賣直圖報之逆志耳。卿等可思。子乃朕子。豈有父子無親之理。豈有越序定立之理。朕于陳奏。一槩留中。蓋怪其聒激賣擾。歸過于上。要直于身耳。至于鄭國泰之奏。特示卿知。我朝戚臣。未有敢言國政者。國泰出位妄奏。甚非禮制。朕姑且容之。其建儲之事。還候旨行。卿等不可學此輩以言之事。虛文塞責。越數日。

上命文書官口傳冊立事。如明年春夏科道等衙門不來賣擾。便于明年冬傳旨冊立。如再賣擾。直待十五歲行。時行復奏謝言。卽口傳示部科訖。

上復傳諭云。冊立之事。只傳與先生每股肱大臣。如何傳與各衙門賣擾。自十四年起。至今屢屢未至。爲臣的疑上。爲上的不得不疑。朕



一朝要典 卷之八 所以動火。自今之後，不許聒擾。中外若能靜聽一年，明旨當無中變。十九年八月，工部主事張有德，以大禮屆期，儀物未備，復有賣請。

上怒曰：父子至親，已有明諭，豈待爾輩煩擾邀功。張有德罰俸三箇月。本欲過壽節舉行，既屢屢催激，其冊立之事，着改于二十一年行。各衙門不得又來瀆激，以致延改。至二十二年，輔臣王錫爵應

召還朝，自請

冊立，以昭大信。

上以

祖訓立嫡。

中宮年少，欲將

三皇子，一并封王，少待數年。

皇后無出，再行冊立。錫爵力持再三。會朱維京、王如堅先後疏爭。

上怒戍之，錫爵復為營解。且堅請會議，以安人



心。

上諭以安心輔理。且言無識小畜。謗訓疑君。惑亂衆聽。波及誣詆。不必自惑。不必廷議。錫爵復自認兩情之誤。懇請

召對。

上曰。朕非不從卿言。因見大小諸臣。紛紛疑訕。朕爲人君。恥爲臣下挾制。謗

祖蔑訓。國體何在。今卿若自認錯。置朕何地。正爲卿含忍。欲商量別處之法。不可黨衆激惱。以辜朕意。旣如此。俱不必封。少俟二三日。

行冊立。十一月十九日。

上視朝畢。御煖閣。

召見錫爵。慰諭扶母來京。可稱忠孝兩全。錫爵叩頭言。政恐忠孝兩虧。因苦請

冊立。豫教。

上諭以明年。該長髮之期。且言洞悉卿苦心。錫爵退而陳謝。

上復委曲慰藉。越數日。



諭明春行豫教出閣禮。然欲令

皇三子并講。令擬

論。錫爵言。

皇長子太遲。

皇三子又太早。恐先後緩急之間。

聖心稍晦。

上曰。皇長子冊立一事。久已斷自朕心。今欲於明春。先行講學之禮。其皇三子。少待次年另行。長幼之序。卽此爲定。舊例親王講讀。止用

二人。且從外署。改入錫爵。請用修撰以下六人。且用大臣侍班儀。從一如東宮。

上皆俞行。至二十六年五月。

上諭內閣曰。皇長子年及冠婚。

祖宗禮制。天倫親情。朕豈不欲早傳行。但念皇長子。素稟清弱。所以遲緩者。正要培養豐厚。誠愛重之意。今春至夏。朕屢召皇長子。暨諸皇子。問察習學之功。見皇長子氣質。比與去歲漸加克實。且書做對句。頗有進益。朕甚嘉



悅皇長子欲先行三加冠禮。次及冊立選婚。朕思未正名封。冠服不便。况二宮不日落成。待煥然一新。行此大典。庶嘉禮有所。以便臣民具瞻。十一月復

諭禮部具選婚儀。二十九年五月。禮科給事中

楊天民等疏催

冊立。

上曰。冊立冠婚。分封大典。明旨曉然。有何疑議。惑衆。有何逢迎覬覦。有何陵逼黨附。况初春

內外遵旨。靜竢。卽擇日命其移居。是豈欲遲延乎。今正欲降旨。擇日舉行。楊天民等。輒敢逞臆。賈阻。假此要譽。沽名。而實離間。遲緩。好生可惡。八月。輔臣沈一貫。請舉大典。引既醉斯于之詩。詞甚懇婉。

上覽揭。嘉其忠愛。深合朕心。遂有卽日降諭。舉行之。

命吉期。巳卜于十月十五日。先五日。金兩未完。冊寶尚未鑄造。

三朝要典 卷之四  
上以典禮隆重。至期或用冊文寶文行禮。過期  
補賜可否。一貫從史可行。

上命于

聖母徽號之日。御前補賜。至日而大禮成。

史臣曰。要典原始。首載

冊立之

詔。而後備列

明旨遷改之因。以見

大聖舉事。獨斷獨行。羣下揣摩。逾激逾緩。過在

下而不在

上也。蓋黨姦。搆黨。希功定策。前倡後和。實繁有

徒。向非

神皇淵謨。睿斷力剖。猜疑之跡。不倒太阿之柄。

則

冊立大典。不知爲幾許姦人富貴資矣。閣臣時

行首請

冊立。卽以

列聖家法爲言。



天語頻宣。亦謂長幼序定。家法當遵。待時舉行。有何疑議。而喜事之徒。競為煩瀆。其意何居哉。歸過于

上。要直于身。煌煌

宸諭。固有以誅其心矣。迨輔臣錫爵。再入綸扉。

忽有

三王並封之諭。

上意從容待嫡。似緩而實定。輔臣默挽潛移。辭

紆而意懇。

聖諭口傳及閣揭。累累記注。可按也。一時言者

無回天之術。覬取日之功。假翼戴之名。肆排擠之計。于是堂簾苦心。幾成疑案。當有職其咎者。然未幾而

並封之議寢。未幾而

並講之議又寢。豫教獨先。官寮大備。雖

渙號未頒。儼然

鶴闈儀從矣。謂非

聖謨之夙定。與輔臣之善調哉。邪黨相煽。薪煇

不息。講張為幻。苑枯分曹。何憂何危。而侈然竝議為名也。雖

聖怒旁洩。誰實階厲。事在戊戌之五月。越五年癸卯。

青宮正位。已再逾歲。而復有續憂危竝議一書。公署私邸。同時作散。隱詞嚙語。煽

惑

宮闈。羅織善類。輔臣朱賡謂口不忍言。手不忍書。

上赫然震怒。嚴命緝訪。

手勅宣諭。

皇太子累數百言。有曰。念汝素懷敬慎。篤于孝友。乍聞此事。恐至驚惶。倘至眠食少妨。使我滋多懸掛。又曰。此謗必起于臣僚。之自相傾陷。假借國事以為名耳。雖在臣僚。亦無一毫指實。矧吾宮禁。而可為彼簧惑。又諭以安心調養。用心讀書寫字。勿聽小人引誘。傳時淚下。



皇太子亦含淚叩頭。此段情景。乃上命司禮口傳內閣者。行道聞之。無不感泣傳誦。謂

神皇保護

東宮。父慈子孝。千古無兩也。而臣僚自相傾陷一語。尤燭萬里而洞幽隱矣。夫既冊立後。保護如此其至。則未

冊立前。又寧有纖芥之可疑哉。且

元良久定。名分昭然。

福藩就國之早晚。奚關大計。適當其時。而勉從事。固有司之職也。侈言羽翼。臣義謂何。况事有激之而愈格者。即如

瑞邸標梅。頻頻啓事。豈亦有關於

國本乎。大抵姦貪妄希寵榮。則借名

國本。為躡遷之地。險邪嫉害正直。則誹誣

禁度。為一網之謀。賴

乾綱獨攬。操縱在握。

慈孝天植。離間不行。魑魅立誓于震霆。雨雪自

消于見睨。然而先後廷臣。無識無骨之輩。已有墮其雲霧而不覺者。意所欲無則

諭札雖尊不信。而懸坐輔臣以不避之疑。意所欲有。則妖刻俄頃。邇傳而妄臆。

宮中有奪嫡之計。又况適有張差一事。肯不大肆翕張。競相附會。居奇貨而攘首功哉。種種彘孽。線索相因。歷歷姦謀。機關不爽。侍郎崔呈秀。洵厥源委。據疏具陳。亦憂深而慮遠者。

皇上批答謂與三案諸姦。一脈相貫。淵見睿識。司符

神皇。蓋不惟褫見在之姦魄。清將來之仕路。而且可為億萬年之定案矣。謹奉

白列其顛末如此。